

اداره خانه

باب عالی جاده سنده دائره مخصوصه

آبونه شرائطی

ممالك عثمانیه ده سنه لکی (۶۵)، التي
آیلغی (۳۵) غروشدرد. ممالك اجنبیه ده
سنه لکی (۱۷)، التي آیلغی (۹) فرانقذر.
[ایضاحات: نسخہ سی الی پاره، التي
آیلغی بر جلد، هر جلد ۲۶ نسخہ در.]

اخطارات

§ آبونه بدلی پشیندر،
§ آدرس تبدیلنده قرق پارہ لک
یول کوندرالمی در.
§ مسلک موافق آثار مع الممنونیه
قبول اولئور. درج ایدیلمه یازیلر
احاده اولونماز.

سازمان

اخطارات

رساله مزدن آلتدیغی کوسترملک شرطیلہ
بتون یازیلر هر هانکی بر غرتہ طرفندن
اقتباس اولونه بیلیر.

§

مکتوبلرک، امضالرک واضح و اوقوناقلی
اولمسی و آبونه صره نومروسی محتوی
بولونمسی؟

§

ممالك اجنبیه ایچون آبونه اولانلرک
آدرس لرینک فرانسیزجه سی ده یازلمسی؟

§

پاره کوندرلدیکی زمان نه یه دائر اولدیغنک
واضحاً بیلدرلمسی رجا اولنور.

دینی، علمی، ادبی، سیاسی هفته لک مجموعه اسلامیه.

مدافعات دینه

اشنع السیر صاحبی ایوب صبری به

طهارت احکامی او کریمه دن علمای اسلامک سابقون ولاحقوننه علماً ادعای رجحان ایتک، هپسینی دین جاهلی فرض ایتک هر حالده پک کولنج برده وادر .

مسلمانلغک مبادیسندن بیله غافل برقاج محرک « اجتهاد » بایراغنی آچدققرنی ایلک طویدیغمز وقت - نه یلان سویلیلم - پای تحت خلافتده یکی بر بازار الحادک رسم کشادی اجرا اولوندیغنه قانع اولارق بومالکده کندیسنه کوره مشتریسی وارد دیه پکده اوقدر سس چیقارماشدق. دینکده، کفرکده طالبیری، مشترییری وارد. قش تجارتی کبی افکار وعقاید تجارتی ده قانوناً سربستدر. بناءً علیه (فن شاء، فلیؤمن ومن شاء فلیکفر) آیت کریمه سنی شعار ایدینه رک وقوعاته سیرجی قالمق ایجاب ایدیور ایدی. لکن آرداشرکز تجارتیری کاسد کورونجه، کفر محض وخالصک آچقندن سورولور برمال اولمادیغنی آکلانجه اونیده تغشیشه قالشیدیلر. شیمدی آرتق کندندن یخبر زوالی خلقک استکراه ایده جکیری زهرلی جبری سوزده دین بویاسیله تلون ایدهرک یوتدورمغه چالیشیورلر .

واقعا دینه محبت مظهرندن کورونه رک دینه فساد قاریشیدیران ایلک ملحدلر « اجتهاد » بایراغنی آلتنده طوبلانانلر دکلددر . (خوش بونلره دینه فساد قاریشیدیریور دیمک طوغروده دکل یا . بونلر الحادی تغشیش ایدیورلر . الحاده حبله قاریشیدیریورلر .) یهودیلکدن، محوسیلکدن دونمش ورعما پک چوق ساخته کارلرک دینمه ناسزا شیر قاریشیدیرمغه چالیشدققرنی تاریخ بزه کوسرتیور . لکن دینمک آب وتاب صفاسنی بولاندیرمق داعیه سینه دوشنلر هیچ بر وقته دیندن یخبر اولمقله اتهام ایدیه مزلردی . هپسیده دینک حقایقه مطلع ایدیلر. وعوامی آنجق حوصله جهله صیغامیاجق دقایق اولطه لرله اولارلر ایدی . زیرا شوراسی محققدرکه ارشاد وهادیت علمه نه قدر محتاج ایسه اضلال واغواده اوقدر علمه محتاجدر .

بو دینک حافظ و حامیسی اولان جناب حق یوز بیکلرجه حمد وثنا اولسونکه علوم اسلامیته نک ایام شوکت واجلاننده بو مفسدلرک فسادینه اساطین علمایی سپرایتدیکی کبی بو کونکی ایام جهل ونادانیده ده خصمانک جهلانی سپر ایدیور . بزی بو کون اضلاله چالیشانلرک دین بابنده کی علمی پرده ریا ونفاق اولمغه بیله صلاحیت کسب ایدهمیه جک درجه ده یوققه در . بونلر مسلمانلره مسلمانلغی بیلمیورسککز دیه آغیز طولوسی سب وشم ایدرکن اک جاهل بر مسلمانک بیله طبعاً ابا واستنکار ایده جکی فضاختلرله ستونر طولوسی یازی یازیورلر . بوندن اولکی نسخه ده بر رفیقکز (یا مریم ان الله اصطفاک وطهرک واصطفاک علی نساء العالمین) خطاب جلیلله ساحه طهارتی هر درلووصمه اشتباهدن تنزیه ایدیلر بر صدیقه بتول ایله (ان الله یشرک بکلمه منه اسمعالمسیح ابن مریم وجها فی دنیا والآخرة ومن المقربین) و (آئینا عیسی

« اجتهاد » غزته سنده یازی یازان آرداشرکز ایدیه برده هیئت تحریریه مزه تعرض ایتکده بر ذوق طویسیورلر. بزده شخصی تجاوزاته قارشى سکوتی ترجیح ایدیورلر. حتی بر آراق سر محررکز علی ملا الناس جریان ایتش بروقه بی سراپا تحریف ایدهرک بر دعوای مزور ایله باش محرر مز محمدعا کف بکه تجاوزایتدیکی زمانینه شخصیاتی مسلکمه یاقیشدیرامادیغمز ایچون سکوت ایتش و (ولاتسبوا الذین یدعون من دون الله فیسبوا الله عدوا بغير علم) آیت کریمه سینه تبعاً کف لسانی اولی کورمشدک . فقط سزلر مع التأسف بو آیت کریمه ایله حال وشال نلری ققیج ایدیلن مشرکیندن ده ایلری کیده رک کندیکزه بر تجاوز واقع اولمادن اهل اسلامک دیننه، عقیده سینه، مقدس طانیدینی کیسه لره تجاوزه باشلادیکز . نته کیم « اجتهاد » کچن هفته چیقان ۶۹ نجی نسخه سنده « اشنع السیر » عنوانی تحتنده وامضا کزله بر مقاله وار ایدی . کویا صراط مستقیم محرر لرینه هجوم ایتک ایسته مشسکز . بونده استغراب ایدیه جک برشی یوق. لکن اتحاد ایتدیککز سرنامه - نک صوکنده کی امضا کزه درجه توافقی بولمقده خیل مشکلات چکیورلر. زیرا اسمکزه باقیله جق اولورسه افراد مسلمیندن، امت محمدیه دن بر فرد اولاجقسکز . سرنامه نک محتوی اولدینی معنای شاعتک بوتون مسلمانلرک جانلرندن عزیز بیلدکیری هادی اعظم، رسول اکرم صلی الله علیه وسلم افندمز حضرتلرینک سیرت سینه لرینه طرفکزدن اضافه ایدلسی ایسه ذره ایمانی اولانلرک توپلرینی اورپرتیور .

هیچ بردشمن دینک حق عالی رسالت پناهیده روا کوردیکی بو آنه قدر طویمادیغمز بو ترکیب فطیع وشنیی اک اول بر « ایوب صبری » نک قلمندن صادر اولمش کورونجه (ردالله کیدقائه فی نحره) دیوب کچه جکدک . فقط کوریورلرکه سز اجتهاد جیلر بوتون امت محمدیه بی دینسزلکه آزمال اولمقله مؤاخذه و (لاتجتمع امتی علی ضلالة) وعد جلیل نبویسندن غفلت ایدهرک هپسینک ضالانده اولدیغنی ادعا اید . یورسکز . وأصل کندیککزک جماعتدن ایرلدیغکزی اونوتارق خلقی یکی بر دینه، کندی فکرکزجه اصل عقیده صاف اسلامه دعوت ایدیوب طور یورسکز . یا یغاره لریکزه باقیلیرسه تاعصر جلیل نبویدن بو کونه قدر نه قدر صحابه، تابعین، مجتهدین و سائر علمای دین کلشسه، دین اسلامی آکلما مشلر درده بودینی یالککز سزلر، یعنی اصول ایمانیه بی، ضرورات دینییه بی خرافات دیه نشر و اعلان ایدن. دین نامنه آغزینی آچانلری « قره قوت » دیه تزییف وتحقیر ایدن یالککز سزلر آکلا مشسکز . دینمزی بکنمه مکده، احکام شرعییه فکرآ معارض قالمقده بلکه مختار اولاییلیرسکز . فقط ده عقیده نامنه (آمنت) بی، عمل نامنه

(صلی الله علیه وسلم) حاشا ثم حاشا آلوده خرافات اولدیغنی سویلیورسکز . هرشیدن اول اوتعیر معهود کزدن طولای - کولونج اولاده - سزه توبه واستغفار تکلیف ایتک حقمزدر . زیر اسلامانم دیورسکز . و سوزده مقام عالی نبوتی شه و اشیدن تنزیه و تبریه غیرتی کودمک داعیه سنده سکز . بودعوایه کوره سزه توبه لازم کلیر . شاید « تکلیفکسر پک خامدر » دیرسه کز ایچنه صیغندیکنز حصن اسلامدن اول بول چیقیکزده معارضه و مجادله مزنی آچقندن یایلم دیرز .

ایکنجی نقطه کلهجه سیرنبویه (صلی الله علیه وسلم) حقنده کی فکر کزی تصحیح ایتک ایجاب ایدر .

علم سیر علم تاریخ ذات قدس رسالتناهی ایله اصحاب کزیننه خاص اولان قسمنه اعلاق اولونور . وقایع اسلامییه علی وجه الصحه ضبطه علمای اقدمینمزک صرف ایتدیکی اعتنا هیچ بر قومک مؤلفانده کورولمش شیلردن دکدر . علم تاریخ علوم نقلیه دندر . علمای سلف رحمهم الله قرآن ، حدیث ، روایت شعر عرب قیلندن علومده اولدیغی کی بونلرده اللرندن کلدیکی قدر تصحیح نقل واسناده غیرت ایتمش و بواغورده « علم نقد رجال » نامیه برده رواتک انتقاد احوالی کافل بر علم وجوده کتیرمشدر . علمای اسلامییه ک ال بویوک همقی تصحیح نقوله مصروف اولمشدر . عنعنیه داخل اولان رجال اسنادک بری ضعیف و یا مجروح و یا مجهول و یا تروک اولنجه روایتک قیمتی در حال دکشیر . بواعتبار ایله منقولده درجات مختلفهیه انقسام ایتمش و هر کله سی حدتواتره بالغ اولان قرآن کریم ایله بعض احادیث متواتره نقل اعتباریله برنجی مرتبه یی بولمشدر . اوندن سوکره متواتر اولمیان احادیث صحاح ، احادیث حسان ، احادیث ضعیفه ... الخ علی الدرجات نظر اعتباره آلینیر . سیرک احادیث ایله ثابت اولانلری (که اکثریت اعتباریله بوقیلندیر) حدیث قوتنده ، محدثینجه حدیث قوتنده اولمایانلری ایسه دهها دون مرتبه دهدر . عصر اصحابدن سوکره کی وقایع تاریخییه متعلق روایات اودرجه قوتنده اولماقله برابر یینه هر حالده اسانیدک علی قدر الامکان صحیح اولماسنه اعتنا ایدلشدیر . مثلاً ابن جریر طبری تاریخنده ابن قتیبه « الامامه والسیاسة » نامنده کی اثرنده هیچ بروقه یی عنعنیه سز روایت ایتملر . تاریخ طبرینک فرسکلرجه بوقدر متبر اولماسنده کی حکمت بودر . رواج ایدیلن بواعتنا هیچ بر قومده کورولمه مش و هر حالده وثوق نقل نقطه نظرندن الک دون درکده عد ایتدیکنز تواریخ سیاسیة اسلامییه دیگر اقوامک منقولات اعتقادیه لرینه چوق تفوق ایدر . هله بحث سیره و حدیثه انتمال ایدنجه بونفوق نسبت قبول ایتیه جک درجه ده آرتار . بوکی شرائط وثوق و اعتمادی قطعاً جائز اولمیان فرنک تاریخ لرینه اعتماد ایدوب ده سیر حقند شبهه ایتک حد توصیفدن خارج بر تعسف و انصاف سز اقدیر .

بویله اولماقله برابر کتب سیرده مذکور بعض وقایع و روایات طعن ایدیله بیلیر . فقط بو طعن ذات وقعه دن زیاده وقعه نک راوی لرینه توجه ایدر . بروقه نک خوشکزه کدوب کیتمه سی وقوع و یا عدم وقوعی

بن مریم الینات و ایدناه روح القدس ([۱]) کی آیات کریمه ایله شان جلالی تجیل ایدلش بر نبی کریم حقنده طبقات بشرک الک پست درکده تنده کی اسافک بیله کندی حقلرنده تصدیقندن استجیا ایده جکلری اسنادات شنیده بولونمشدی . بو سفرده سز ، سیرت جلیله محمدیه (صلی الله علیه وسلم) ی « اشنع السیر » کی - احتیاج نقل اولماسه آغزه آلامیه جفمز - بر تعبیر غلیظ ایله تزییف ایدیورسکز . وینه بو ستونر کزده - نامی اضلال ایچین قبول ایتدیکنز اصول تعبیه رعایتکار اولمش اولق ایچون - بر بخاری حدیثه ، بالجمه اصحاب سیر و مغازینک متفقاً روایت ایتدکلری بر وقعه یه « بهتان عظیم » دیورسکز . بوحر کتکزه هم شان عالی رسالتناهی یی حاشا عقل کزجه تنزیه ، همده دینک الک مهم مأخذلرندن بری اولان ، کتاب اللمهدن سوکره اصح کتب اولق اوزره اعتقاد ایدیلن صحیح بخاری حقنده کی اعتمادی سلبه جاییشورسکز .

بو قدر طولاشیق یوللردن هدف مقصودی آرامغه بیلیمز که نه حاجت وار ؟ سوزی اوزینه اویار بر کیمسه کورونمک دهها خوش دکلی ؟ سوزکزی آچیق سویلسه کر ، مضمهر کزی آغز کرده چیکمه مدن آکلاتسه کر دهها مردانه اولمازمی ؟ مادام که سزده اولدیغکز کی کورونمک جسارت یوق ، بژده سزه کوروندوککز کی معامله ایدمک سققاتکزی بیان و اغفال ایتک ایسته دیکنز عقول بسیطیه هانکی نازک و حساس تلره صالیدر دیغکز ایفهام ایده جکز . بو طرزده کی هجوملرک مسلمان نامی طاشیان ، مسلمانلق دعواسنده بولونان بر کیمسه دن صادر اولوب اولمایاجنی آکلاتاجنز . زیرا آرتق ماسکینی قالدیراجق زمان حلول ایتمش حتی چوقدن بری کچمشدر . سزکله حسب حالنز غایت آچیق اولاجنی ایچون سوزلرمن احتمال که بر آز کوجکزه کیده جکدر . لکن امین اولیکز که دنیا و آخرتده ولی نعمت اعظممز اولان پیغمبر ذیشانمزه وینه اویغمبر ذیشانک بزه تبلیغ ایتدیکی کتاب کریمک تجیل ایتدیکی انبیا و صدیقینه ایتدیکنز تعرضات سزک حاصل اولاجق اغبرار کرله قابل قیاس اولیه جق درجه ده بزی دلخون ایتشدیر . شیمدیلک یالکزر سزی مخاطب ایدیورز . صوک مقاله کرده :

قیلیج زاده حق بک افندینک انوم السیر مقاله تنقیده سی مناسبتیه خاطره کلن و بوندن خیلی زمان اول « صراط مستقیم » ده کوریلن بر قرة عجیه یی موضع بحث ایده جکم .

قارئین ، حیرتله کوره جکلر در که اقوام السیر ایله اشنع السیر آراسنده نه قدار صبیق بر ارتباط و بالعکس نه درجه فرق مهم وار . آرده کی ارتباط ، سیرت نبویه دائر اولری . هر ایکسینک آلوده خرافات بولونعلری اعتباریلا در . بئلرنده کی فرقه کلهجه بو دخی ماهیتلرینک نیت خفت و غلطی حیثیتیه در .

دیورسکز . بوراده بر آز توقف ایدلم . شو بر قاق سطر کرله ایکی بیوک خطاده بولونی . رسکز . « اقوام السیر » تعبیرینه مقابل بر ترکیب شنیع استعمالنه جرأت ایدیورسکز . اوندن سوکره ده سیر نبویه نک

[۱] عیسی علیه السلامک ذکرینی تجیل ایدن آیات کریمه نک عددی یتمش دورت ، مریم علیها السلامک ده طهارت ذیلی مثبت اولار آیات قرآنییه نک عددی اوتوز ایکیدر .

بیکنز . بزجه ناقل کفر کافر اولامیه جنی کبی ، کلمه اسلامک نافلی ده همانجه جنک مؤمن و مسلم اولماز . حدیث شریفک ترجمه سی عبارتیا شویله ایدی :

انس (بن مالک) رضی الله عنہک شویله دیدیکی روایت اولونیور :
عز و باعزین قبیله لرندن بعض کیمسه لر (مدینه) به کادیلر . (طوندق لری)
معهده آغریسندن طولانی مدینه ده اقامت ایتک ایسته مدیلر . رسول الله صلی الله علیه
وسلم سودلی دوه لرینک بولوندیغی یزه کیدوب بوللرندن و سودلرندن ایچلری
اسر ایتدی . اورابه کیتدیله . صحت بولنجه بنی اکرم صلی الله علیه وسلمک چوباتی
اولدوروب و دوه لرینی اوکلرینه قاتوب کوتوردیلر . بو خبر صباح وقتی کادی .
(رسول الله صلی الله علیه وسلم) آرقه لرندن (آدم) قوشدیردی . کون یوکسلنجه
حریرلری کتیردیله . (رسول الله صلی الله علیه وسلم قصاص اولدوق) لارینک ،
آیاقلرینک کیمسه سی اسر ایتدی . (بوجانلرک) کوزلری ده اویولوب حره [۱]
(دینلن یزه) آتیلدیله که اولنجه قدر صوایسته دیلرده کندیلرینه صو ویرلیدی .
بالایه اصلندن نقلاً آلدیغمز فقره یی سز نقل ایتدکن صو کره :
بن بو هتان عظیمی او قودیم زمان باشمه قاینار صو دو کولیور ظن ایتدم .
و کندی کنیدی (هذا کذب و افتراء علی رسول الله) دیدم .

یاغره سیله بر قینلجه قیامت قوبار یورسکز . بوقدر تلاشه محل یوق .
رسول الله صلی الله علیه وسلمه افترا ایدیلور دییه تلاش ایتک ، او نبی
معظمک غیرتیی کودمک هر حالده سزک کی دینی و اهل دینی استخفاف
و استحقار ایدلرندن زیاده (من کذب علی مستعداً فلیتوباً) معده
من النار) حدیث شریف متواترینی بزه قدر نقل و ایصال ایدن جمله
دینه دوشر . بو حدیث شریفه بهتان عظیم دیورسکز . هانیا سند کر ؟
« التجرید الصریح » — اگر ترجمه سنک مقدمه سنی او قودیکرسه
آ کلامشکزد که — بخارینک مختصریدر . صحیح بخاری ایسه علو
اسنادده ، صحت روایتده نه قدر حدیث کتابی وارسه جمله سنه تقدیم
ایدن ایکی کتابک بریدر . بخاری بو کتابده کی اوج دورت بیک حدیث
کندیسنه و اصل اولان آلتی یوز بیک حدیث ایچندن کندیسنجه
نقلنه اک زیاده اعتماد اولسان امله دیندن منقول اولوق اوزره افراز
ایتمش و او عصر دن بری صحیح بخارینک (اصح الکتاب بعد کتاب الله)
اولدیغنه همان اجماع واقع اولمشدر .

بوکا قارشیی یکی بر جوابکزه انتظاره حاجت یوقدر . زیرا سز
او معهود مقاله کزده :

حدیثک طوغری اولوب اولادیغنی تحقیقه و مثلاً اسنادده کی انقطاع ویا اتصالی
نظر ملاحظه به آلاغه لزوم کر مردم . ویک نظردده حکمی ویردم . زیرا اصول
حدیثیه یالکیز بولنره رعایت کافی اولدیغنی بیلیور ایدم . اولاشکنجه نک عموم
ادیانده و باخصوص دین جلیل اسلامده حرام اولدیغنی دوشونمش و بناء علیه محرماندن
برینک ، همده بیر کیره نک حضرت رسول جانبندن ارتکاب اولنیه یله جکنه اینامق ،
عقل ایردیرمک ایچین انسانک صلاح ایمان و ایقانی کیده رمک لازم اولدیغنی ملاحظه
و محاکمه ایده بیلشدم .

[۱] (حره) مدینه خارجهده قاره طاشلی کونش آلتنده آتش کی یانار بر
برک اسمیدر که یزید بن معاویه زماننده (حره واقعه سی) دییه شهرت آلا و واقعه
اوراده جریان ایتمشدر .

استلزام ایتز . غرابت و یا عدم غرابتی ده انکار و یا قبولی موجب اولماز .
بو باده آرانان شی صحت نقلدر . سزده سله رواتده کی رجالدن برینه
طمن ایتک یعنی یالانچیلغنی ، اونوتقانلغنی ، غرضکارلغنی ، صافدر و نلغنی
اثبات ایله مک اقتدارینی حائز ایسه کز وقعه یی و یوزدن رد ایده بیلیرسکز .
یوقسه بروقه نک خوشه کیدوب کیمه مه سی ، عقله ملایم کلوب کلمه مه سی
نقطه نظرندن قبول و یارد قیوسی آچیلیرسه رسالت نبویه ده ، قرآن کریمک
قرآنی ده ، حتی ذات مبارکه رسالت پناهینک بودنیای شریف بو یورمش
اولمالری ده تحت شبهه یه صوقولایله جکی کی محضاطبعه خوش و عله ملایم
کلور دییه هیچ ده واقع اولمامش یالانلری وقع اولمش دییه قبوله مانع
قالماز . دوشونجه نک معقولی ، مسلمانه سی بولدر . ایماده عقلک ،
نقلده روات نقلک شهادتنه اعتماد ایدیلر . دلالت عقل ایله ایمان ایتدکن
و مؤمن به اولان مسائل ایمانیه ایله احکام شرعیه نک طرف شارعدن
تبلیغ اولندیغنی طریق نقل ایله ثابت اولدقندن صو کره آرق ایسته دیکمه
اینانیر ، ایسته مدیکمه اینانام دیکمه و باخصوص استخفاف و تحقیر یول
قالماز . منقولات ایچنده ظاهر عبارده دن متبادر اولان معنی بداعت عقله
مخالف و نقلک صحتی اصول و قواعد اهل روایتیه نظراً ثابت اولورسه ینه
اونقل رد ایدلر . اونک معنای مجازیسنه کیدیلر . بر محمل صحیحی بولونور .
حاصلی تاویل ایدیلر . یوقسه طرف شارعدن ورودی ثابت اولان بر
نص اولیه سلمه السلام رده شایسته کورولمز . بناء علیه ذات عالی
رسالت پناهیی عقل قاصر کزله یاقیشدیر امدادیغکز — عقلاً محالیتی غیر مسلم —
بر فعلک نقلندن طولانی سیرت نبویه یی (صلی الله علیه وسلم) شناعله
توصیف ایتمه کز شناعتک اک بویوکدر . الکزدن کلورسه ، علمکز
یتورسه راویلرک بردانه سنی اولسون جرح ایدیکزده حضرت پیغمبره
دکل ، او حضرتک سیرت مبارکه سنی نقل ایدن مؤلفه قارشیی اعتراضکزی
ادب دائره سنده یاییکز . نقله اعتراضه یول بولامازسه کز فیل رسوله
(صلی الله علیه وسلم) ینه بر محمل حسن بولوب ایمانکزی آلوده کفر
و طغیان ایتدکن صاقینکز . چونکه اگر دیدیککز کی مسلمان ایسه کز
شریعتیه سز تابعسکز . شریعت سزک عقلکزه ، طبعکزه تابع اولماز .
کله لم انتقاد ایتدیککز مسئله یه : بومسئله صراط مستقیمده و قبیله
انتشار ایدوب مع التأسف ناتمام قالان (التجرید الصریح) احادیث
شریفه سنندن برینک ترجمه سنه عائددر . بز اوفقره یی مقاله کزدن دکل ،
اصلندن نقل ایده جکز . زیرا سز نقلده امانتک شرط اولدیغندن غفلت
ایده رک مترجمک هر اسم شریف نبییه مقارن اولارق اراد ایتدیکی
تصلیه لرک یالکیز برینی ذکر ایدوب دیکر لرینی هر نه دنسه یازمغه او .
شنمشککز . علمای اسلامیه قاعده سنجه روایتکزک مقبول اولمامسی
ایچون یالکیز بوقدر جق تقصیر کز کافیدر . نقلنده کی بو اختصار کز
مترجمک ده ذات عالی رسالت پناهیی قارشیی احترامده تقصیرینی ایهام ایده
جکندن سز مسلمانه بر شاهد عدل صایبلامازسکز . همده بیلیمیز که
عیناً نقل ایدوب ده امانته خیانت ایتیمه دیکز نه اولوردی ؟ عجبا او هر کون
سو ککده اولدیغکز « قره قوت » می التحاق ایدردیکز ؟ هیچ قورقما

کمز . بناءً عليه حديث صحيحی طابق ایسته مدیککزک وجهنی بیان ایدرکن ادیان سائر ایله احتجاجکزر انسانک صلاح ایمان وایقانی دکلسه بیله غافلرک سلامت عقل واذعانی کیده ره جک مغالطه لر دندر .

ثانیاً باشقه ادیانده اشکنجه ک حل وحرمتته دائر برشی بولندیغنه وقف دکلسه کده هر حالده اشکنجه ک طرف عالی رسالت پناهیدن بالآخره نهی ایدلیدی . معلومزدر . شریعتمز شرایع سالفه نی ناسخ اولدینی کی صرف احکام عملیه به مقصور اولمق اوزره کنديسنده ده احکام ناسخه ومنسوخه واردر . دین اسلامک احکامی حکم ومصالک اقتضاسنه کوره تدريجاً ویکرمی اوچ سنه ده تمام اولمشدر . بدایتده گاه صرف وعادته وگاه دوره تأسس دین اولان اومهم سنه لک بعضارنده داعی مصاحته بناءً نهی ایدیلنه شیلر مؤخرأ نسخ ایدلشددر حرمت خمر اوچ کرده تقرر ایتدی . حرمت ربایک صوکره تبلیغ اولونان احکامدندر . « حدیث عربین » نامیه بین المحدثین شهرت یاب اولان بو حدیث شریفک متضمن اولدینی حکم « مثله » ده او احکام منسوخه دن بریدر . اما منسوخه ده اولسه سزک یینه خوشکزه کتیمه جکمز . طرفکزدن ، باشکزه قاینار صو دو کولیور ظن ایتدیره جک برشی دییه تلقی ایدیله جکمز . اوراسنه بزقاریشایز . بزحل وخرمتک ، صغائر وکبارک مخصص ومعینی شریعتدر اعتقادنده یز . شرعک تحریم اتمه دیکی شی حلالدر . بزحق بوتون انسانلرک ذهنتده افعالک حسن وقبحی حقنده موجود اولان تصوراتی ده شرایع الهیه ک تلقین ایتدیکی احکامک مدت مدیده نفاذی سایه سنده حاصل اولمش برر ایز دییه تلقی ایدهرز . زیرا هریرده معلم ادب واخلاق ابتدا انبیای عظام حضراتی اولمش ، حق ووظیفه فکرلرینی انسانلره ابتدا اولر ویرمش وبوفکرلرده مرور زمان ایله کوللرده کولکشرک بین البشر بر شکل عام وشامل آلمشدر اعتقادنده یز . بیلهمیزکه قبل الفسخ واقع اولوب بر آیت کریمه ایله تأییددن وحق آیت کریمه ک سبب نزولی اولان بوفعل رسولی بکنیمورسکزده الان منسوخ اولمیان جهاد ، قصاص ، رجم محضنه کی احکامی بکنیمورمیسکز ؟ یوقسه بولرده طبعکزه ، عقل قاصر کزه موافق دکلدر دییه کباردن ، همده عموم ادیانده حرام اولان کباردنمیدر ؟ بولردن ده بحث ایدیش باشکزدن قاینار صو دو کولیدیکی حسنی ویریورمی ؟

ذات وقعه به کلنجه . بخاریده ترجمه اولنان قسمی مختصر اولدیغندن کتب سیره مراجعتله دهافضله تفصیلات ویرلم . مختصر اولدینی یچون سیره دحلانیه نی اساس اتخاذ ایدیورز :

بومؤلفک بیاننه کوره عکله و عربینه دن اولان کیمسه لره قارش قریش رؤ . ساسندن اولوب فتح مکه سنه سنه شهید اولان کرزبن جابر الفهري رضی الله عنک قومانداسنده بر سریره کوندرلدی . وقعه هجرتک آلتنجی سنه سنه ، بر روایت کوره حمادی الاولی ، دیگر روایت کوره شوال آینده جربان ایتدی . سببی ده شو ایدی : عکله و عربینه قیلهرلندن یدی ، سکز کشی رسول الله صلی الله علیه وسلمک حضور عالیربه کلهرک اسلام اوزره بیعت وکلمه توحیدی تلفظ ومسلمان اولدقارینی اظهار ایتدیار .

دیورسکزکه بوققرده قوللاندیغکزر « اسناد ، انقطاع ، اتصال ، حرام ، کیره » کی شرعی تعبیرات سزده نوعما شریعتده دائر بر شمه علمک وجودینی ایهام ایدیور . سه ده مقام وطرز استعماللری یا نقصان علمه ویا خود اکر حقیقه وارسه قصداً تغلیط اذهان نیتته دلالت ایدر . سز بر فعل رسولک (صلی الله علیه وسلم) کیره اولابیله جکمه احتمال ویرمکده مختار سکز . بزسلامت ایمانمزی صیانه بویله برشیئی ذهنمزه بیله اوغراتامایز . بویله بر روایت صلاح ایمان وایقانکزی کیده ره . جکمز . اوراسی سزک بیله جککزی شی . بوسوزلرکز هیج برمسلمه حجت اولاماز . بزم محقق بیلدیکمز برشی وارسه اوده وقعه ک صحیدر . بخارینک حضرت رسول الله (صلی الله علیه وسلم) حاشا افترا دن بری الساحه اولماسیدر . اما سز حدیثک صحتی تحقیقه لزوم کورمزده عقلکزله ، همده ناقص بر علم ایله یک نظرده حکم ایدرمشسکز . اونک معصیتی ، وبالی سزه راجعدر . دین اسلامی اساسندن انکار ایتسه کز سزه کیم مانع اولابیلر ؟ هدایت وضلالت الله دندر . قرآن ایله حدیث باران رحمت کیدر . ابرنیمان شکرک خلاوته خلوت قانیدیکی کی ابو جهل قارپوزینی ده زهر هلاهل حاله قور . قرآن وحدیث ده اهل ایمانک ایمانی تزید ایتدیکی قدر هدایتدن بی نصیب اولانلرک عنادینی تشدید ایدر .

آنحقی حدیث شریفه تعلق ایدن وقعه ک تفصیلی کتب سیردن نقل وحدیث شریفک بحثه متعلق احکامنی ایضاح اتمه دن اول بر ایکی اخطارمز واردر :

اولا ادیان سائر نه اعتقادده ، نه عملده بزه سنند اولاماز . واقعا انبیای سالفه صلوات الله وسلامه علی نبینا وعلیهم اجمعین حضراتنک امتلرینه تبلیغ بویوردقاری عقائد و اصول دیانات (شرع لکم من الدین ما وصی به نوحا والذی اوحینا الیک وما وصینا به ابراهیم و موسی وعیسی ان اقموا الدین ولا تتفرقوا فیه) نص جلیل فرقانیه بناءً بزم عقائد و اصول دیانتزدن عبارت ایه ده کنیدیلرله آراهنده کی سلسله رواتک انقطاعی آنلره اسناد اولونان شیلرله احتجاجه مانع اولدینی کی بکونکی منتسبلرله اولان اختلافزده بونقولک محرف اولدیغنه برهان واضعدر . احکام عملیه ایسه اصول عقائد کی ثابت ومستقر اولمایوب کنیدیلرینه نسخ طاری اولمش اولدیغندن فرض محال اولارق صحت نقله امکان بولونسه بیله بولر طرف شارعدن بزه وصولی یقینا بیلدیکمز احکامه قارش بزه حجت اولامازلر . انبیای عظام حضراتنه انتساب ایدن ادیان بویله اولونجه دیگرلرینی قاله بیله آلمق عبث اولمازمی ؟ او حالده مؤمن به اولان شیلری دیگر بر دیتده آرایمه جغمز کی حل وحرمت احکامنی ده باشقه بر دیندن آلامایز . دین محمدیدن باشقه نه قدر ادیان وارسه نبوت محمدیه نی (صلی الله علیه وسلم) انکار ایدیورلر دییه بعثت ورسالت مسئله سنده شبهه دوشه جک برمسلمان تصور ایدمه جکمز کی ، بوتون ملل واقوام خمر ایله لطم خنیزی استحلال ایدیورلر دیه : « بز نه طور یورز ؟ بوتون ملتله مخالفت ایتمکده معنی ندر ؟ » دیمکده هیج برمسلمانک خاطرینه

بو آدم لر مدینه یه کلدکاری وقت خسته ، بکزلری صارامش ، قارنلری شیشمش برحاله ایدیلر . و : « یار رسول الله ! بز فقیرز . بز ی باریندیر ، یدیر ، ایچیر » دینه استرحامده بولندیلر . حضرت رسول اکرم صلی الله علیه وسلم اونلری اصحاب صفة میانه ادخال بویوردیلر . بر آز اقامتدن سوکره مدینه نك آب وهواسی مزاجلرینه توافقی ایتهدیکی ایچون حضرت پیغمبر صلی الله علیه وسلم افندمزه : « یار رسول الله ، بز چولده یاشامغه آیشمش قویون ، دوه صاحبلی ایدک . جاری . چنی ، باغی ، باغچه سی بول یرلره آیشیق دکلز . مدینه ده اقامت خوشمزه کیتیمور . دوه لر کزک بولوندینی یره چیقما مزه اذن ویرسه کز » دیدیلر . رسول الله صلی الله علیه وسلم بونلرک احتیاجاتی تسویه ایچون جوابانیله برابر بردوه سوروسی تخصیص ایدلمه سی امر ایتدیلر . دوه لر صدقه دوه لری ایدی . یعنی بیت المال عائد ایدی . و بو آدم لر ده : « دوه لرک بولوندینی یره کیدوب سودلرینی و بوللرینی ایچهرک تداوی ایدیکز » بویوردیلر . بونلر اورایه کیتدیلر . و تداوی ایدوب کسب صحت ایتدیلر . وجودلری صاعلاملا شنج اوتداد ایدهرک بنی مکرم صلی الله علیه وسلم افندمزک جوابانی یساری (رضی الله عنه) قتل ایله دوه لری اوکترینه قاتوب کورتوردیلر . بویسار رسول الله صلی الله علیه وسلمک آزادلیسی ایدی . خائن حریفلر آنی قتل ایتدکلی زمان مثله یایدیلر . یعنی آلی آغانی کسدیلر . و کوزلرینه دیکن باتیردیلر .

[۱] وقعه حقنده مدینه یه خبر کلنجه رسول الله صلی الله علیه وسلم آنلری تعقیب ایتمه یکریمی آتلی مأمور ایدهرک اوزرلرینه کرز بن جابر الفهری بنی امیر نصب ایتدی . کرز بن جابر رضی الله عنه اونلری یقالایوب حضور عالی رسالتیناهی یه کتیردی . نبی محترم صلی الله علیه وسلم ده اوتداد ، کفران نعمت ، قطع طریق و قتل واشکنجه کی فعللرینه قصاص اولمق اوزره اللرینک ، آیاقلرینک قطع اولونماسی و کوزلرینک چیقارلمسی امر ایتدیلر . (انما جزاء الذین یحاربون الله ورسوله ویسعون فی الارض فسادا ان یقتلوا او یصلبوا او تقطع ایدیهم وارجلهم من خلاف او ینفوا من الارض ذلك لهم خزی فی الدنیا ولهم فی الآخرة عذاب عظیم) آیت کریمه سنک سبب نزولی بو وقعه در .

کتب سیرک وقعه حقنده کی روایتلری مختصراً بودر . بونک ترجمه اولنان بخاری حدیثه مطابقتی ایسه شبهه سزدر . ذاتاً طوغروسی آرا مق لازم ایسه تصحیح وقعه یچون کتب حدیث کتب سیردن دهامتین برعمده در . بخاری بو حدیث شریفی یدی یرده و طقوز طریق ایله تخریج ایله دیک کی مسلم ده حدود بابنده یدی طریق ایله و ابو داود کتات الطهاره ده بش طریق ایله و نسائی محاربه بابنده دورت طریق ایله تخریج ایله مشلردر . کتب حدیثک اصحی اولان کتب سسته دن علی الدرجات الک قوی واک صحیحلری صایلان دوردنده بویه یکریمی بش طریق ایله ثابت اولان [۱] دیکر بعض سیر کتابلارنده دینک آتیه و کوزینه دیکن باتیروب اولنجه یه قدر احوال اوزره یراقدیلر .

بر حدیث حقنده شبهه ایتک هیچ بر مسلمانک کاری دکدر . مکره سزک کی یک نظرده حکمنی ویرنلردن اول .

فعل مروهینک فعل رسول (صلی الله علیه وسلم) اولدینی ثابت اولدقدن سوکره اعتراضکزی جالب اولان خصوصاتی بنه مسلمانجه مناقشه ایده بیلیرز .

بز مسلمانلرجه فعل رسول (صلی الله علیه وسلم) هر نه اولورسه اولسون صوابدر . و رضای باری یه موافقدر . زیرا حق عالی رسالتیناهیلرنده نازل اولان (و انک لعلی خلق عظیم) ، (و ما یطق عن الهوی ان هو الا وحی یوحی) ، (و ما آتاکم الرسول فخذوه و ما نهاکم عنه فانها) کی آیات کریمه اوقدر جو قدرکه تعداد بیهل ایده میه جکر . حضرت رسوله (صلی الله علیه وسلم) قول و فعل و تقریری بزم ایچون شرع الیهیدر . بو صریبلر حقنده روا کوردکلی معامله یی ده - سزک کی - معاذ الله تعالی کیره ، حرام ، اخلاقسزاق (خذل الله قائلها و اخزاهم) عد ایده جک یرده وحی طریقله امر ایدلمش رضای باری یه تمایله موافق بر قربت عد ایدرز .

بو حریفلر طرف عالی رسالتیناهیلدن تلقین ایمان و اسلام و اهل صفة میاننده ایوا و اطعام و مرضلری مبدل شفا اولنجه قدر کندیلرینه هر دورلو احتیاجلرینی کافل بردوه سوروسی ده تخصیص و انعام ایدلمشکن بدنلری بر آز زندگی بولور بولماز بونجه نعمتله مقابل کفر ، طغیان ، سرق ، قطع طریق ، راعی رسول اللهی (صلی الله علیه وسلم) قتل و اعضاسنی قطع ایله دینک دینه و کوزینک ایچنه دیکن صوقارق وفات ایدنجیه قدر اشد عذاب ایله تعذیب کی فضاحتاری ، شناعتلری ارتکاب ایتمش خیث الطبع و واجب القتل کیمسلر ایدی . جانب عالی پیغمبریدن حققرنده روا کورولن آغیر معامله یامش اولدقلی فعله مثلاً مقابلدن ، اجرای قصاص امرندن عبارت اولمشدی . بونلر (ولا تأخذکم بهما رأفة فی دین الله) مضمونه - ایماء - داخل اولان و عفو و مرحمت ، تخفیف عذابه مستحق اولمایان جانورلر ایدی . قصاص و مقابله بالمثل ایسه (فمن اعتدی علیکم فاعتدوا علیه بمثل ما اعتدی علیکم) ایله (و کتبتا علیهم فیها ان النفس بالنفس و العین بالعين و الاذن بالاذن و الاذن بالاذن و السن بالسن و الجروح قصاص) آیتلرینک نصر صریحنه بناءً هنوز اطلاق اوزره جاری اولوب بو امر عامی تخصیص ایده جک برنی مؤخر هنوز نزول و ورود ایتمه مشدی . علی الخصوص اوتارنخده هنوز حال تشکله بولونان دولت اسلامیه نك تأسیس قواعد ممکن قوتدن باشقه بر ناصحه سرفرو ایتک شانندن اولمایان بو کی اجلاف اعراک حکومت جدید اسلامیه مؤسسلرینه تجاوز ایتلرینه سد چکمک کوزلرینی بیلدیرمه و ابسته اولدینی دوشونولورسه عینی اشخاص لثیمه حقنده واقع اولان او بویوک آثار رحمت و تعطفدن سوکره کی بو عقوبت عادلانه نه بویوک بر سیاست اثری اولدینی آکلاشیلیر . زیرا او تاریخلرده اسلام هنوز ضعیف ایدی . دائرة حدودی مدینه جوارندن اوتیه شامل دکدی . عفو و صفح ایسه

بو حدیث شریفی سند اتخاذا یدہ رک اتی اکل اولونان حیواناتک بولی طاهر اولدیغنه قائل اولمشلردرکه امام مالک ایله امام احمد بن حنبل واصحاب ابی حنیفه دن امام محمد ایله شافعی المذهب اولان اصطخری ورویانی و بو طبقه لر دن اول کلن تابعیندن شعبی ، عطاء ، نحی ، زهری ، ابن سیرین ، سفیان ثوری کبی اعظم امت هب بوز مره دندر ، امام ابو حنیفه ایله امام شافعی واصحاب ابی حنیفه دن ابو یوسف ایله اصحاب شافعیین ابو ثور کیلری ایسه بوتون ابوالک نجاسته فتوی ویرمشلردر . مع مافیه اتی اکل اولونان حیواناتک بوللری ده بونلره کوره نجاست خفیقه درجه سندن اوتیه کچمز . بوتون ابوالک نجاسته قائل اولانلرک دلیللری (استنزهوا من البول فان عامة عذاب القبر منه) حدیث شریفدر . و بو حدیث شریفده (البول) کلمه سی بر لفظ عام اولمق طولایسیله (ابوال ابل) لفظ خاصنی نسخ ایلیور .

بوتون ابوالک نجاسته و حرمت شربنه ذاهب اولانلرده آنلرله صورت مطلقه ده تدای جائز اولوب اولمادیغنه اختلاف ایتیشلر سه ده حالت اضطرارده و بعض شروط دائر سنده حرام ایله تدوینک جوا . زینه همان کافه فقها فتوی ویرمشلردر . بناء علیه حضرت رسول اکرم (صلی الله علیه وسلم) اقدمزک بو کافر نعمت خسته لره دوه لک سودلرندن و بوللرندن ایچیکز دییه ویردکلری امر شریفی نجاست ابواله قائل اولان علما مداوات مصلحت و اضطرارینه حمل ایتیشلردر . دوه بولنی طاهر عد ایدنلرک ایسه سندی ذاتاً بو حدیث شریفدر .

بناء علیه بالایه نقل ایتدیلمز عباره کزی متعاقب :

فضله اوله رق المزمده (استنزهوا عن البول) [۱] کی رسند نافض دینی و برجت بالغة نقلیه ده وار . بوسندک (اشربوا من ابوالها والبانها) امریله ناصل تألیف قبول ایده جکندی ده دوشونیور ایدم . و امام ابو حنیفه نک : « صحته شبهه ایتدیلمز احادیث اونیدی به بالغ اولایلیر » دیدیکنی دخی تخطر ایتدیلمز جهتله انتخاب ایده ایدم بویه براویدور ماسیون حدیثک بر جریده اسلامیه به کچرلمسته حیرت ایتدیلمز کندی آلا یور ایدم :

کی سوزلر کزی زیوف آخچه کی ینه سزه اعاده ایتک ایجاب ایدر . بر کره « اویدور ماسیون حدیث » تعیرینی استعمال ایتیمکه جداً بی ادبک ایدیور سکر . و عادتاً فرنک آغزیله هذیان ایدیور سکر . استشهاد ایتدیلمز حدیث شریف نبوی « حجت بالغة نقلیه » اولیور . مشده حد تواتره قریب بر شهرتی حائر اولان حدیث مترجم عجبانه دن حجت بالغة نقلیه اولیور مش ؟ قلوب مسلمنی ایکنه لی فیچی به صوفیق ایسته دیککز وقت (نؤمن ببعض ونکفر ببعض) مظهرنده کورونمک ایجاب ایتدیلمز ایچونمی ؟

برده امام ابو حنیفه به اسناد ایتدیلمز سوزده ده سالتک تزویره سالتک اولیور سکر . سز بوروای کویا ابن خلدوندن نقل ایدیور سکر . حالبوکه اعظم علمادن اولان بو مؤرخ اسلامیه ده ابو حنیفه به ده افترا ایدیور سکر . و عقول بسیطه بی ده بو افترا کزله اضلال ایدیور سکر . یعنی

[۱] طوغروسی (من البول) در .

ماده ضعیف اولانلردن دکل ، صاحب شوکت و مکنت اولان قویلردن صادر اولورسه مستحسن اولور . ماده ضعیف اولانک عفوینه عجزدن باشقه بر اسم ویریله مز . قوت و قدرت زماننده ایسه عفوک قیمتی بو یور . نته کیم بو فعل رسولک مثله دن نهی حقنده کی احادیث شریفه ایله بر قوله کوره منسوخیتی ده بوکا شاهددر .

مثله نک ایکی معناسی واردر : بری قصاص و مقابله بلمشلدر . نته کیم (قال له ابنه معاوية لعلمت مولی لنا فدعاه ابی ودعانی ثم قال امثل منه فعفا) لفظیله وارد اولان سـوید بن مقرن حدیثنده کی « امثل منه » « اقتص منه » یعنی « مقابله ایدرک اوجکی آل » دیمکدر . دیکری ده مقتولک بورنی قولاغنی ویا سائر اعضاسنی کسمک معاسنه درکه مؤخرأ نهی ایدیلن مثله ایشه بودر . مناقشه ایتدیلمز حدیث شریف ایله مروی اولان مثله ایسه هر ایکی معنایه واقع اولمش اولدینی ایچون بعض علما فعل رسولک منسوخیتنه بیله قائل اولما مشلر و بونی سیته به مثلیله مقابله به حمل ایتیشلردر . ایکنجی معنایه مثله حقنده کی نهی متضمن اولان احادیث شریفه متعدددر . مثلاً (لاتمذبوا بعذاب الله) حدیث شریفی آتیشه یاققدن ، قیزغین شیش ایله تمذیب ایتیمکدن ؛ (انه نهی عن المثة) حدیث شریفی علی الاطلاق مثله دن ؛ (نهی ان یمثل بالدواب) حدیث شریفی مثله نک حیوانلره تطبیقندن ؛ (من مثل بالشعر فلیس له عند الله خلاق يوم القيامة) حدیث شریفی ده صاج حقنده مثله یاققدن یعنی صاج ، صاقال یولمقندن ، بویامقندن نهی ایتیشدر .

شرب ابوال بخته کلنجه بومستله بی بری تدای ، دیکری طهارت و نجاست ، تمیز دیکرله حل و حرمت نقطه نظرلرندن اولمق اوزره ایکی حیثیتله تدقیق ایتک لازمدر .

عربک دوه بولی ایله تدای ایتدیلمز محققدر . حتی اطبای اسلامیه نک متأخرلرندن صاییلان داود الطاکینک تذکره سنده علی العموم ابوالک طبیه استعمال ایدلریکی مذکوردر . مؤلف مشارالیه : « وجلة الابوال تجلو الآثار وتصلح العين والاذن وما ازم من السعال وعسر النفس والطحال واوجاع الارحام خصوصاً اذا عتقت وعقدت واعظمها بول الانسان فالابل » عباره سیله علی الاطلاق بولک یدی درلو خسته لغه دوا اولدیغنی سولیور . و دوه بولنی انسان بولندن صوکره بوتون ابوالدن ده شقالی عد ایدیور . « حیاة الحیوان » صاحبی کمال الدین دمیری ده (ابل) کلمه سنده : « و بول الابل ینفع من ورم الکبد ویزید فی الباه » عباره سیله دوه بولنک ایکی خاصه طبیه سی اولدیغنی بیان ایدیور . سیره حلییه ده ده بو وقعیه بیان صدندنه عربک تدای قصدیله دوه یاوروسنک بولنی صوغو تمدن ایچدکلری بیان ایدیلرک کیفیت استعمالی ایضاح اولونیور . بخاری شارحی عینی ده حدیثده مذکور اولان دوه لک البان و ابوالی انواع استسقادن برینه (که ظاهر قصه دن ده عربنیلرک مبتلی اولدیغنی خسته لق استسقا ایدی) علاج اولدیغنی ذکر ایدیور .

ابوال ابلک نجس اولماسی بحثی بین العلما مختلف فیهدر . بعضلری

بر طاشله اوج قوش اورمق ایستورسکز . ابن خلدونك سوزلری شودر :

برده معلوم اولسون که ائمه مجتهدین بوصناعتده اکثر و اناللد یعنی نقل و روایت ابتدکاری احادیث شریفه نك چوقلغنده و یا آزاغنده . متفاوتدرلر . ازجمله ابوحنیفه رضی الله تعالی عنہك روایت ابتدکی احادیثك عددی اونیدی به و یا اوکا قریب بر مقداره بالغ اولمش درلر . امام مالک رحمه اللهجه صحیح اولانلر کتاب موأده کیاردركه نهایت اوج یوز حدیث و یا او مقداره قریب برشیدر . احمد بن حنبل رحمه الله تعالی نك مسندنده ایسه الی بیك حدیث واردر .

سزك نقلكزله ابن خلدونك سوزی آراسنده کی فرقی کوربورسکزیا . ابن خلدون ابوحنیفه نك روایت ابتدکی احادیثك عددی اونیدی به بالغ اولدیغنی سویایور . حتی مقدمه ابن خلدون مترجمی شیخ الاسلام پیری زاده محمد صاحب افندی ترجمه سنده : « نقل و اسنادی علی قول اونیدی حدیثه و روایت اخراذه الی حدیثه بالغ اولدی » دیور . سزایسه مذهب امامه کوره احادیث صحیحجه نك عددی اونیدی به بالغ اولایلیر دیورسکز . این اثری و این اثریا . پیشوایان اهل سنتدن اولان (مذهب اهل سنتك مذهب اهل حدیث معناسنه کلدیکنی اونوتماکیز) بویله بر مجتهد اعظمك بونجه احکام فقهیه ده مناط اجتهدی نصوص سنتدن یالکیز اونیدی حدیثه ناصل مقصور اولایلیر ؟ غایتی حضرت امام روایت حدیث خصوصنده مکثریندن دکلر مش . یعنی حدیث روایتی ايله او قدر مشغول اولما مشلر . آرتق بیلمیزکه بوندن سزك ایهام ایتك ایسته دیککز کی اونیدی حدیثندن باشقه حدیثی طائماق و کتاب المهدن صوکره اك بویوک رکن شریعت اولان سنتی بویله طوپدن ییقمق لازم کله چکی معناسی چیقارمی ؟

حاصلی بز بو کی شیرله نقلده خیانت ، اضلال و تزویر دیرز . احتمال که « بن نه بیلهیم ؟ بوقدر اینجه فرقله عقم ناصل ایرسون ؟ » دییه اعتذاره قالدیشیرسکز . اوزمان ده بزده سزه : « کتابی ، صحیفه سنی کوستردیککز بر سوزی طوس طوغرو نقله بیله مانع برعجز ايله ، ضروریات دینییه بیله میه جک برجهل ايله بوقدر بویوک ایشلره قاریشمق فضوللغنده و حتی ارشاد امت و تجهیل علما دعواسنده بولونمق جرأتی نره دن بولیورسکز ؟ » دییه صورارز . بوقا قارشی ویره جککز اك اهون جواب (الجاهل جسور) قلعه ناستوارینه التجا ایدرك جهلی برهان جرأت اتخاذ ایتکدر . فقط سزك بوجرأت صولتکارانه بی بشقه برسبيله ایضاح ایده جککزی بك اعلی بیلیرز . سز عریلر حدیثی صراط مستقیمده او قودقدن صوکره « عادتاً قابکزدن طاشدیغکز » ی حکایه ایتکدن صوکره :

نهایت مذکور غزته اداره خانه سنه اولدقجه شدتلی بر مکتوب کوندرك ابلک ایشم وایلك وظیفهم اولدی . فی الحقیقه اویله یادی ایدم . مکتوبه سکوتدن باشقه جواب ویرلیدی ایدی . شدی نه جواب ویریله جککی ایسه کسده . میورم .

یازدیم . مکتوبده شویله دیدیکمی خاطر لایورم : « آبنم ایتدیلرم ! سز دوزی به ردیه یاغنه قالدیشه جفکزه کندی نقصانلر . کزی تعمیرده حصر وقت ایتسه کز فنانی اولور ؟ » دییه حکایه ماضی ایدیورسکز که اصل کستا خلغکزك علتی خجالت

بخش عریانلغیه اورتایه دوکیورسکز . صراط مستقیم اداره خانه سنك واقعا شوبحت ایتدیککز مکتوبدن حالا خبری یوق . بونك ده دیکرلری کی . بر دعوی مزور اولمق احتمالی واردر . لکن اعتراف ایدر که هیئت تحریریه سزك پیشوای اعظمکز « دوزی » (زادالله من عذابه) جنابلرینه قارشی حرمتسزك کی بر جرم عظیمی واردر . دوزی به قارشی اولان بر اعتراضك دوزی امتنه کران کله سی ده بك طبعیدر . اگر ستره یان و نفاقه بورونه رك اسلامیت پرده سی آرقه سنده اضلال عباد و افساد بلادده سماعی اولما . سیدیکز سزی دوزینك یالکیز حرارتلی امتی دکل ، حتی بك صداقتلی یاورولری بیله تلقی ایدردك . زیرا — طور اغی « اجتهد » بیغینلرندن بول اولسون — دوزینك افکار و مفتریاتنی نشره نه میسیونرلر ونه سائر اعدای دین اسلام سزك قدر غیرت ایتمه مشدر . ذات بك محمدی (صلی الله علیه وسلم) قارشی عداوتله جکرلری سوزان اولان بو کذاب بی انصافك اثرینی بر تاریخ اسلامدر دییه و قتیله خبلی آرامش ، طارامشکن نسخه سی توکنمش اولدیغندن طولای المزه کچمه مشدی . کتابك حدود مضررتی کندیلکندن کرجولمش و توسیع دائرة نشری هر حالده حضرت رسول علیه السلامه فرط محبتله اتهام ایده میه جککز آورو بالیلرک بیله خاطرینه کله مشکن سزك جماعتکز آنی ترکجه به نقل و دوزینك عقلنه کلین هجوم نقطه لرینی کوسترمک یچون بعضاً تحشیه ایده رك دوزینك آدینی طویماش مسلمانلرک مسامحه بونون مفتریاتنی حقیقت دییه ایصاله همت ایتدی . مسلمانلرک بو بهتان مجوعه سنه یاره ویرمکده بك ممسك طاوارندقلرینی کورونجه روتستان میسیونرلرینك باد هوا انجیل طاغیتدقلرینه باقارق سزده محاناً طاغیتمه باشلا دیکز . لکن هر ایکیکزك فعلی آراسنده بویوک برفرق وار . اوللر « خرستیانز ، خرستیانلغك انتشاری یچون فدا کارلق ایدیورز . » دیورلر . سز ایسه محمدی یز دیدیککز حالده حضرت محمد علیه السلامه قارشی قلبی اشد عداوتله مشحون اولان دشمنلرک مفتریاتیه امت محمدیه فی اضلاله چالیشیورسکز . هر حالده میسیونرلر سزدن چوق دهاناموسکارانه حرکت ایدیورلر .

حقیقی مضررتی اظهار ، بزه و دینزه یچون هجوم ایتدیککزی بو صورته ایما ایتکدن صوکره ینه تجاوزی روضع آله رق :

« خلاصه رجوق مسلمانانیندن چیقارمغه ، برچوق مستشرقلری اسلامیتک باشنه هجومه سبب موثر اولایلرک اولان بویله بر ارجوفه نك (!!) روحده حاصل ایتدیکی اذیتی اوزماندن بری انوده مادم . »

دیورسکز . برکره بو « ارجوفه » تمیزینی کری آلکیز . دوزینك خاص امتندن اولدیغکز یچون سزك روحکزی متأذی ایدن ، دین اسلامك حالا پایدار اولماسیدر . یوقسه دین اسلامه ار اجیف قاریشدر مراسی دکلدر . همده نه بو وقعه ، نه ده دیکر وقایع سیر — سزك کی ربقة اسلامی ذاتاً خلع ایشم کیسه لر مستثنی — هیچ بر مسلمانان دینندن چیقارما مشدر . مستشرقلر کله نجه اوللرک هجومندن مسلمانلرک پرواسی یوقدر . ذاتاً اوللر هجوم یچون سلاح لرینی صراط مستقیمدن ، سیل الرشاددن اتعاره ایتزلر . نه کیم استاذ اعظمکز دوزی جنابلری بلکه ده صراط مستقیم محررلری

دخی « وحملها الانسان » عبارہ سبیلہ تعمیر بیورلشددر . اما انسانلرک جوغنی حماقتی عقلہ . جہالتی علمہ ترجیح ایتدکرنندن « انه کان ظلوماً جهولاً » عبارہ سبیلہ بو حاللری توصیف ایدلشددر .

« لیعذب الله المنافقین والمنافقات والمشرکین والمشرکات » . (انسان امانتہ متحمل اولدی تاکہ امانتی ضایع ایدن ارکک قادین . منافق ومشرکله الله عذاب ایتسون) ، « ویتوب علی المؤمنین والمؤمنات » (وامانتک حقنہ مراعات ایله لله رجوع ایدن قادین . ارکک مؤمنلرک توبہ سنی ده قبول ایتسون) « وکان الله غفوراً رحیماً » . (الله توبہ ایدنلره مغفرت ورحمت ایدیجیدر) .

عارفینندن بضرری دیورکک : حکمت الهیه انساندن مخالفتک ظهورینی اقتضا ایتمش که اللهندن ده رحمت وغفران ظهوره کلسون . ایشته بو حکمتہ مبنی درکه الله آدمی ایکی یدی ، ایکی صفتی ایله یاراتمشدر . صفة جلالی قابل ، یعنی مخالفت صورتندہ ؛ صفت جمالی ده هایل ، یعنی موافقت صورتندہ ظهوره کلمشدر . قیامتہ قدرده بویله ظهور ایتسه کرکدر .

ای اخوان دین ! اللهم امانت کبرانی حامل و مخلوقاتک اشرفی اوله رقی یار اتدینی برنوع مکرم وممتازی محتاج وصایت قیلمغه قالمیشمق آنک خالق ایله استهزا دگیدر ! بوکا علیم و حکیم اولان الله راضی اولورمی ؟

انسانلرک ایچنده اشبو امانتک حقنی ایفا ایدمینلر ایچون یاسیله حق معاملہ « قد افلح من زکیها . سورة شمس » قول کریمندہ بیان بیورلیورکک (نفسنی تطهیر ایدنلر فلاح بولدیلر) دیمکدر . تطهیرک ظاهری وباطنی اولوق اوزره ایکی نوعی واردر . تطهر ظاهرینک شریعت اسلامیه ده کی اهمیتی معلومدر ، وموضوع بحشمزه طوغریدن طوغری به تعلق اولمادینی ایچون بیاننه کیریشلمه مشدر . بوراده طهارت ظاهره حقندہ نصارانتک نه قدر لاقید قالدقلرینی اراثه ایچون حضرت عیسا دن نقلاً انجیلده مندرج ایکی فقره نی اتیان ایله اکتفا ایدمکک : « آغزندن هرشی قارنه کیدوب طشره به چیقاریلور یبقامش اللرله طعام ایتک آدمی ناپاک ایتزمی (متی ۱۷ ، ۲۰) »

طهارت باطنه دن تطهیرایسه دنس معاصیدن تطهر ، یعنی توبه ایتکدر . بوده افراد ناسدن کیمک حقوقنه تجاوز ایتمش ایسه حقنی اعاده ایله استیصال ، کناهدندن ندامت ایله اولور . « یا ایها الذین امنوا توبوا الی الله توبهً نصوحاً » (ای مؤمنلر کناهلریکزدن بردها یامامغه عزیم ایدنلرک توبه سنی کی توبه والله رجوع ایدیکز . سورة تحریم ۸) قول کریمندہ بیان بیورلیدی اوزره بو یولده توبه واجیدر « و توبوا الی الله جیمماً ایها المؤمنون لعلکم تفلحون » (ای مؤمنلر جمله کز توبه والله رجوع ایدیکز بلکه فلاح بولورسکز . سورة نور ۳۱) آیت کریمه سنی ده بونی افاده ایدیور .

توبه ایدن کیمسه لرک کناهلرینی الله کمال لطف و کرمنندن عفو ومغفرت ایدر . « ومن یعمل سوء او یظلم نفسه ثم یتستغفر الله یجد الله

دنیا به کله دن اول اوهدیانلرینی قلمه آلمش سز اولادلرینه برکذار براقشدر . یوقسه اونک ده الله سلاح تعرضی ویرن « التجرید الصریح » مترجمیدرمی دیبه جکسکز ؟ مع مافیہ شوراسی محققدرکه مستشرقلر آثار اسلامیه نی تتبع ایتدکجه اسلامیت حقندہ کی نظرلری دیکشیور اسکی مستشرقلره بو کونکی مستشرقلرک (سزکیکی اپی اسکیلردن صاییلر) دینمز حقندہ کی تصورلری بیننده کی فرق بودعوا مزه حجتدر ، اونلرک عقلی ، عرفانی سزلردن زیاده اولدینی ، یابانجی بر دین ایکن ینه تباعدن اوشمنه دککری ایچون دینمز حقندہ علملری آرتدقجه عداوت موروثه لرندہ کی شدت آزالیور . هجوم ده ایتسلر سزک کی نادانجه سنه ایتمیورلر . نادانلرک سزکده ایشته نمونه سی . سوزکزه دوام ایدمک دیورسکزکک :

« واقعا اخلاقاً بودرجه چیرکین ، بوسرته کریه وخسیس برفلک برنجی دن دکل . برنجی دن بیلہ صدورینه امکان ویریله مرسته ده »
آرتق یتر ، بی خیالکک بالا مرتبه سنی بولیورسکز . اودرجه ده که سو یکزی نقل ایتکده حیا سزلق اولاجق . قارشیمزده کی معترض کافرده اولسه هیچ اولمازسه تربیه لی اولمالیدر . بونقطه به کلنجه آرتق سزلی مخاطب ایدنیمکده معذورزه . فعل رسولک (معاذ الله تعالی) اخلاقاً کریه وخسیس اولدینی بزه سویلین شقی بدزبانہ بزم سویله جک سوزمن یوقدر . جد المزی بوراده کسمک ، محصول جهل اولان یوقاریکی جراتکارلرک سزک نتیجه سنی بیاندن عبارت اولان بوندن صوکره کی معناسز سوزلریکزی نقل ایتیمک اولادر . والسلام علی من اتبع الهدی .

سبیل الرشاد

خطبه لر

کنزه بویک طایبان مقننه خطبه

« مابعد »

« انا عرضنا الامانة علی السموات والارض والحيال » . (بز امانت کبری اولان قوه عاقله نی کوکلره ، یره وطاغله اظهار ایدرک سزده بو امانتی تحمل وحقنی ادا ایدمک قابلیت وارمیدر ؟ دینک) « فاین ان یحملنها واشفقن منها » (انلر او امانتک حقنی ادادن قردیلر و آنی تحملدن ابا ایله قبول ایدیلر) « وحملها الانسان (لکن انسان آنی قبول وتحمل ایتدی) ، « انه کان ظلوماً جهولاً » (انسان جهالت سبیلہ او امانتک حقنی یرینه کتورمیه رک ظالم اولدی) . عنصر بشریت علمک اصل منشأی اولان قوه عاقله نی قابل اولدینغه ومروار ایام ایله آندن نیجه علوم غریبه . نیجه عجیبه لر ظهوره کله جککنه بناءً انسانک مخلوقات سائر مه قارشو حائر اولدینی فضل و شرفی اعلام ایچون بو آیت جلیلده آسمان وزمین ذوی العقولدن فرض ایدیلرک امانت کبری آنلره اظهار اولمش ؛ انلرک فطرتندہ بواماتی قبوله استعداد اولماسی « فاین ان یحملنها » عبارہ سبیلہ ، انسانک فطرتندہ کی استعداد